

# Javni poziv za Program sufinansiranja zapošljavanja i samozapošljavanja djece šehida i poginulih boraca u 2019. godini

**Javni poziv je zatvoren 21.11.2019. godine zbog pristizanja dovoljnog broja aplikacija. O eventualnom ponovnom otvaranju Javnog poziva bićete blagovremeno obaviješteni. Za više informacija obratite se svom lokalnom birou rada.**

JU Služba za zapošljavanje ZDK, u saradnji sa Federalnim zavodom za zapošljavanje i Ministarstvom za boračka pitanja ZDK, počinje realizaciju Programa sufinansiranja zapošljavanja i samozapošljavanja djece šehida i poginulih boraca u 2019. godini. Programom je predviđeno zapošljavanje djece šehida i poginulih boraca, prijavljenih na evidenciju nezaposlenih osoba dan prije prijave poslodavca na Javni poziv, sa završenom visokom ili višom stručnom spremom, uz zasnivanje radnog odnosa na period od dvanaest (12) mjeseci, ili srednjom i nižom stručnom spremom uz zasnivanje radnog odnosa na period od šest (6) mjeseci. Služba poslodavcu mjesečno isplaćuje/refundira iznos od 600,00 KM za osobe sa visokom ili višom stručnom spremom u trajanju od 12 mjeseci i 600,00 KM za osobe sa srednjom i nižom stručnom spremom u trajanju od šest (6) mjeseci, a koji obuhvata dio troškova obaveznih doprinosa i/ili dio neto plaće. Programom je također predviđeno i samozapošljavanje djece šehida i poginulih boraca, odnosno sufinansiranje pokretanja njihovog biznisa. U ovom slučaju Služba mjesečno isplaćuje/refundira iznos od 600,00 KM na period od 12 mjeseci bez obzira na stručnu spremu aplikanta. Za realizaciju Programa sufinansiranja zapošljavanja djece šehida i poginulih boraca predviđena su sredstva u iznosu od

200.000 KM, od čega 100.000 KM osigurava Ministarstvo za boračka pitanja ZDK, a 100.000 KM Federalni zavod za zapošljavanje.

Javni poziv je objavljen 12.11.2019. godine i ostaje otvoren do utroška sredstava.

U nastavku možete preuzeti tekst Javnog poziva, te obrasce Prijave na isti.

Javni poziv

Obrazac Prijave – zapošljavanje

Obrazac Prijave – samozapošljavanje